

地 310.33
941
21

廈門述略

權作廈門鄉
土教科書用

編輯大意

一是編所述宗旨。欲兒童知廈門地理，歷史，古蹟，風物。並風俗美惡，應興革之方鍼。其文法淺顯。欲兒童知作文之段法，筆法，句法，易於學步。

二是編程度宜於國民四年，或高小一二年之用。全篇計分作二十三課。附格言○學問，存養，持躬，攝生，敦品，處事，接物，居家，從政，吉，悖凶，計十一課。全部統共三十四課。

文詳考里居，地脈，山川，名勝，人物，以重鄉土價值。文表揚古今賢人君子善於建設有公益心以作兒童模範。

文叙明末清初至民國時。治亂興衰，居民所遭禍福。以資學者考鏡。一述文評論人情，社會，路政：學風，及農工商務。以冀改良風化，振興實業。

一附集格言十一課，欲兒童既知鄉土，亦知所以立身。蔚成偉大人物，能為鄉土增光，又有化亂為治，富國強兵之計劃，名曰固國芻言，候再續刊。

書	
號	
冊	1
登錄號	97016

廈門述略共二十三課

第一課

廈門島居海中。不通陸路。原屬同安轄。迨民國二年。改爲思明縣。乃漳泉之咽喉。閩南之巨鎮。南洋華僑出入之門戶也。溯自唐時陳邕與李林甫不協。被謫入閩。先建南院於漳州。其子夷則因睡夢隱田禾。（時夷則任唐光祿大夫。因父邕病召漳。乃辭職而垂。尚有戒心。）遂挈眷遷入島中。維時一片荒埔。絕無宮室。獨自結茅以居。（先結茅屋在今陳察鄉）故曰嘉禾。

第二課

明初分中左二軍鎮其地。又名中左所。其島多白鷺。故亦名鷺島。鷺江四方相距各三十里。人烟稠密。（現廈嶼人口

廈門述略

七萬八千餘。禾山男女三萬有奇。島嶼濼迴。前後有浯州、鼓浪、烈嶼、海門、寶珠、星羅、碁布。東出大担、金門。可通澎臺。東南皆大海。遠通外洋諸國。由鼓浪嶼西駛七十里。到海澄。又四十里。抵漳城。北由大石湖舟行七十里。到同安內港。東北行三十里。抵五通。過渡往泉郡。卽福興大路也。

第三課

其廈島發源。則自文圃山蜿蜒而下。至金牌門渡海而來。明太祖二十年。命江夏侯周德興建城於此。號曰廈門城。此廈門之名所由起也。其城週圍二里許。歷代有武將營兵駐其間。人民亦有與之共處焉。今各城門已先後毀去。議將全城折平矣。



第四課

其名山勝刹。則有陳夷則所建覺性院。（院近高崎鄉乾隆間同安縣令

張荃捐資重修之）

陳洪毅所建雲頂巖。陳肇所建南普陀。（昔名普照

寺）

陳儔所建虎谿岩。陳仕通所建萬石岩。陳

光著所建白鶴岩。陳黯所建白雲岩。陳天鍾所建白鹿洞寺。是皆有幽邃清麗磅礴之巨觀也。然其勝蹟。則以雲頂、南普、白鹿為最。

第五課

雲頂巖日出可望。雞鳴時遙望海底日如火輪。鄭成功鎮金廈時。築觀日臺於其上。以規兵船之出入。得預籌防焉。石洞內別一洞天。多刻古今名人詩賦於石壁。並

刻其年月姓氏。墨蹟昭然。每歲重陽。厦禾騷人墨客。富商巨賈。共約登高。重趼遊乎其間者。不絕於道。一登臺上。俯視同安金門。瞭如指掌。其山之高。為全島衆山冠。其琳宮梵宇。布置頗周。住持浮屠。招待亦摯。宜乎一覽以為快。洵為鷺江之名勝矣。

第六課

南普陀后有峯巒屏列。大石嵌崆。其下虛敞。花果成林。左如鐘。右如鼓。前向海天。雲樹青蒼。地甚寬曠。近海有演武場。今陳嘉庚與其弟敬賢。建築大學校。亦在斯焉。該寺係自唐時陳肇建之。至清康熙丙子。靖海將軍施琅。重修舊制。迄今殿宇聳翠。巖僧衆多。又得瑞頂轉塵。

轉逢三住持。後先繼續募捐修築。顧瞻寺貌。規模閎敞。氣象崢嶸。朝夕鐘鼓之聲。頻聞。爲厦島中一大叢林也。

第七課

若白鹿洞寺。山環水抱。后殿自昔改爲朱子祠。至民國七年。重新石樓。前殿仍祀釋迦。其堂宇稍卑。現由禪師覺斌募捐建築。美輪美奐。氣象一新。視昔之所造。有發皇而光大焉者。左之山麓有石泉水。前後二口。其泉均自石罅中流出。雖天旱泉亦不竭。其水之清甘有力。爲厦島中稱第一。泡佳茗者必取用之。泉上有巖曰石泉巖。該水自昔售錢。原定以供石泉白鹿兩寺香火之費。

第八課

厦門述略

三

迨石泉巖倒廢。全歸白鹿洞僧一手收用。致被日籍僧人名天品。就此二口之泉水盜賣。並此山寺幾被籍民佔去。經思明縣王震豐出爲交涉劃清。而省議員黃廷元乃邀前商會總理林爾嘉。全出費公同贖回。存案於思明縣。以永作該寺祀業。此好山得好水。而名益彰也。洞口有達觀園。通於葉氏頤園。並有馬氏宜宜山館。通四季花園。及陳氏邃園。一帶綿連爭妍鬥翠。無花不有。無果不備。池亭水閣。石洞樓臺。亦燦然奪目。儼然一厦島之公園也。

第九課

厦間以地靈人傑。逸士高賢。代不乏侶。唐有陳黯者。十

歲能詩文嘗十八科不第。號曰場老。崇祀鄉賢。登郡志。居金榜山。著稗政書。（清書三卷四十一編宋生熹任同安主簿時校其書而爲之序）築貧窟港釣魚磯。又有薛令之者。居薛嶺。亦以名士稱。（令之唐舉進士。任東京侍講。與陳夷勳之子孫始居禾山人。稱爲南陳。薛宋熙寧中邑尉。張翥詠嘉禾風景詩有曰衣冠陳氏族。桃李薛公園。場老遺文古。巖僧舊跡存。苔磯荒蹟岸。金榜動瑤琨。已憐松獨異。又喜石能翻。此石在貧窟港口。形正圓。每潮至能自翻動。

第十課

迨明季天啓甲子以後。朝綱不振。海盜縱橫。島嶼之間。武夫健卒。遍地而興。時鄭成功父子起而兼併之。遂擁衆數十萬。欲以中興明室。保我漢族。子孫黎民。會康熙

癸卯歲。清命督臣李率泰帥師來攻。成功因其將吳桂羅士鈇等投降。力不能支。遂遁臺灣。時鷺島赤地者十六年。（晉江志載嘉禾斷人種卽此時也）大有燕巢林木之慘象。

第十一課

至甲寅。滇黔楚粵兵動。成功同其子經復乘間西渡。而來鳩集人民。再修城垣。設立街市貿易之肆。撫流離而安稼穡。不數年間。居民叢雜。烟火萬家。大有日新月盛之勢。至庚申。清命督臣姚啟聖又來攻。緣黃瑞張雄吳國俊等內叛。成功再遁臺灣。時民心厭亂。雖不敢挺而走險。尙有草木皆兵之驚惶也。

第十二課

清乃命萬正色轄五營。以水師提督鎮之。衙署建城中。及癸亥乃奪澎臺。廈門道署建廈港后。迨道臣移駐臺灣。改爲廈防廳衙署。移泉同知守之。至丙寅開海禁。通商賈。施琅乃請設立徵稅館於戶部。施琅請於朝派戶部郎中雅琦駐廈徵稅。今之戶部即海關衙署也。佛祀則重修水仙宮。城中新建關帝廟。西關外新建天后祀。又創立義學。以興學校。從此樓屋日增。商業日盛。

第十三課

迨乾隆十六年。重新玉屏。至道光六年。重新紫陽。兩書院月課試十皆有獎給。厥後文風大振。如翰林林鵬舉大年等。武將亦多。如操鎮邱良功。陳化成。陳世忠。陳勝。吳等。立功立德之英。見重於時者。難

以收舉。海關重新海后。商會聯結十途。帆船輪船之貨。出入廈口者。有如織梭。巷舞衢歌。家給戶足。不獨閩粵爭居是地。卽湘杭贛粵。亦多往來。居貨行賈者。以至寸土寸金。開山填海。以爲樓市。聚數十外國之貨。以爲交商繁華富庶之盛。都邑人文之美。已亘千古未見之隆也。

第十四課

及光緒卅二年。科舉廢。學堂興。首以玉屏改爲官立中學校。有王藹堂捐資萬兩充之。任孝廉周殿修爲之長。繼有孝廉方正陳璋。出爲創辦公立中學。附設競存小學。又有陳友志黃翰卿創辦公立小學。今之崇實。楊景文

黃復初創辦大同小學。黃世金創辦鴻鹿小學。同時有時敏（今之靈泉）紫陽、吉祥、普育、寶善、續辦公立小學者計九所。而禾山則有孝廉黃瀚與林在田發起捐資以辦甲種商業學校。林珠光獨力創辦雲梯中小學校。廖成力獨力創辦退思高小學校。其餘家族開設小學者猶甚夥也。

第十五課

至若未廢科舉時。先有外國學者如同文、東亞、英華三書院。又有旭瀛小學、美華、尋源兩中學繼之。課士或以英文。或以日文。均兼算術漢文。其造人材亦頗宏也。他如女子與幼稚教育。則有教會林木揚、黃植庭、莊英才等。後先創辦女子師範。暨女學校、幼稚園。是爲女學發達導其先也。

第十六課

嗣有孫印川出洋捐資以築教育會所。及崇德女校舍。有雷一鳴出洋捐資以築女師範。兼小學校舍。有陳振元倡辦桃源中小學。陳金芳創辦中華中學。陳桂琛募資開設勵志女學。莊希泉創辦廈南中小學。馬僑如提倡組辦雙十商業小學。柯孝灶、李豐輝、周幼梅等發起創辦義務學校。且有部主事周殿薰與廈道尹陳培琨發起捐資建圖書館。其餘集資開辦育才學校、中西學校及小學校者。猶難勝數也。至此男女學校已如林立。

教育機關亦稱完備。若能注重實用之學。以禮義爲本。根以文藝爲枝葉。以勤儉爲結果。自免有游民之障礙矣。

第十七課

若禾山地。面周圍滿百里。除石山墓墳宮室外。宜於農業者。不下六七十里。其土質肥沃。水源流通。皆種植牧畜之宜也。或栽竹果蔬菜。及五穀。或畜牛羊豚馬及雞鵝。利甚鉅也。（動植物事並育乃能互相滋養）又有里居附近海灘。以之株蠟。種蚶。種蛭。地亦甚宜。其利更爲靡窮。而乃土地多任其荒蕪。海灘多棄爲無用。何哉。原其故。蓋由於上無農政。而下無農學。致農業窳敗。禾民多相率出洋。以

謀生。僅存小數者。罔知向外採其佳種。與夫土宜肥料。灌溉培養之改良。幸而年來陳嘉庚創辦水產學校於集美。與廈門一水相望。漁業已望振興。卽栽種畜牧之風聲。亦漸起矣。

第十八課

至廈門之商埠。地狹人衆。學校發達。已臻極盛。所賴有職業以養生者。士商之外。唯工。是工亦當務之急也。然物品日進文明。農業未興。原料多由外輸入。除土石金木皮竹油漆之工。而外。其餘工藝本屬寥寥無幾。兼之政府未提倡。社會少贊成。數年前曾多設織廠。然旋開旋閉。至今存者十僅一二。是與染業同其失敗極矣。此

其故。爲原料必由外來。而所出之貨。銷於在地甚少。出口則有關卡厘餉。種種刁難。設有陶朱之善經營。處此當亦束手無策也。若望工藝於振興。端賴政府之優待。與學校注重實用之手工。

第十九課

而商務自軍興以來。凡錢庄。珠寶。洋郊。北郊。茶行。藥行。棉紗。疋頭。什貨。五穀。干味等途。皆形疲敝。市肆蕭條。入不供出。揣厥原因。一爲漳泉內地搶劫截途。交通不便。二爲海關及雜捐徵收太濫。（海關爲我國負責權操洋人土貨出洋本難兼之洋人所用牙爪難免恃勢勒索）三爲幣制複雜。不能流通。兼之銀角真偽難分。銅圓升降靡定。於此種種困難。雖設有商務

總會而會長洪鴻儒。蔡秋濤。非不欲爲竭力幹旋。然爲秩序未寧。軍餉缺乏。屈於時勢。究亦末如之何。

第二十課

或曰。廈門此時之慘狀。非僅商人已也。自民國以來。風俗亦不古若。禮義廉恥。爲立國立家之要素。自平等自由之說興。（自由是照人道而行如火車之照行軌道不侵他人之道平等是法律統一如總統犯法

與平民同罪無貴賤輕重之分因此四字誤會致禮義廉恥俱喪）三綱亡。而父子夫婦之禮衰矣。兄弟朋友之義疏矣。爭權爭利。甘受萬夫之怨詈而不恤。卽是不知廉矣。不知恥矣。鄒魯雅化。（鄒孟子

魯孔子）宗堂巡閱。至此稱其俗美。有書贈匾字於同安書院曰。鄒魯遺風。蕩然無存。人心之暴戾。莫怪烟寮日增。賭場日盛。匪膽日張。盜風日熾。

花街柳巷之間。父子不惜其聚。軍民亦樂於同。夢。而
且洋酒紙煙之相尙。紙烟若不禁吃其害與鴉片同。婚姻喪葬之奢。
華丁此國家貧弱。內外交困之秋。通商口岸。教化如此。
凌夷。風俗如斯。頹敗若不急爲挽回。匪特爲外人所譏。
笑。恐終爲外人作殖民地矣。余曰。此無足怪。過渡時代。
舊道德初廢。新道德未嫻。兼之上無道揆。下無法守。此
中階級。本常經過也。不經此階級。則數千年專制之淫
威。政治之虛文。家庭之頑固。改革定非容易。

第二十一課

夫當此優勝劣敗。物類機器爭良之世界。求精藝學。卽
爲當今富強之利器。若僅守率由舊章。拘泥古訓。而不

知兼精理化諸科學。竊恐國土永作外人之市場。利權
終難挽回之日。今吾國之所謂學務改良。政治改良者。
僅能講究外洋之皮毛。而未求精外洋之真學理。以致
改設學校。更易官制。已屆廿年。問有農業之發達。工業
之振興乎。曰未也。問有利器之新製造。必需品有新發
明。人民有享國家之權利乎。亦曰未也。而所實行變新
者。則以外洋之冠履衣服。與夫享用之奢華。似此國愈
貧而愈弱。其曷以當歐風美雨之相摧。東鄰蠶食鯨吞
之交迫耶。故目今之救急。要圖根本上之維新。

第二十二課

我觀廈島。民德雖衰。而民智民氣已蒸蒸日上。何以驗

之。工商學皆立團體。凡有地方事。國家事。皆知爲政府後盾。而民治已萌芽矣。市政馬路之設。雖爲清潔衛生。交通利便計。實爲唱興泉永車路直達之先聲。爲將來振興工商業之基礎也。況陳嘉庚創辦大學已有年。此後人材挺生。無殊省會也。并創同美車路亦告成。從此由同而造通安溪。則礦務得開。農業改良。原料免由外洋輸入。而我廈工商業廿年後。可望與申江並駕而齊驅。

第二十三課

爲今之計。唯冀天心悔禍。俾南北軍閥派發出良心。縣自治得以成立。而戶口之條目。實行調查。(申請姓名年歲並否識字)

廈門述略

十

任何職業有無煙癮有無職業十家互保有業產者註明數目互保者限不逾報之罰則

則凡地方

利害。應興應除。無不明若觀火。易如反掌。有社會以促官廳之進行。則煙寮賭場自難開設矣。匪類盜賊自無地容身矣。至若學校學費公開。學規自易整頓。教職員年功加俸。教授亦必增良兼之推廣義務特別學校。以補中年之失學者。(教授或半日或一二時或一二時在夜間或一二時在日間露天之所)

似此過數年。不論男女老幼。皆能識字。又過數年。興泉永、汀漳龍車路得通。物產之饒。轉運便捷。工商業必因之而振。由是。全島人民皆有職業。皆是識字良民。斯時大學人材亦產出。雖曰彈丸一島。而文明氣象。可與省會京都相媲美。吾故曰廿年後廈門。可與上海並駕齊

驅也。

附格言十一課

學問

古今來許多世家。無非積德。天地間第一人品。還是讀書。讀書卽未成名。究竟人高品雅。修德不期獲報。自然夢穩心安。爲善最樂。讀書便佳。讀經傳。則根柢厚。讀史地。則議論偉。習科學。則技藝通。古之君子。病其無能也。學之。今之君子。恥其無能也。諱之。然讀書貴能疑。有疑乃可以啓信。亦貴循序有序。乃克底於成。眼界要闊。徧歷名山大川。度量要宏。兼讀中外文字。志之所趨。無遠弗屆。窮山距海。不能限也。志之所嚮。無堅不入。銳兵精甲。不能禦也。愛惜精神。留他日擔當宇宙。蹉跎歲月。問

何時建立功名

持躬

心術以光明篤實為要。容貌以正大老成為要。言語以簡重真切為要。勿吐無益身心之語。勿為無益身心之事。勿展無益身心之書。此生不學。一可惜。此日閑過。二可惜。此身一敗。三可惜。想自己身心。到後日置之何處。顧本來面目。在古時像箇甚人。（人之為人。有幾等。總要為不可少之人。）擇友以求益。改過以全身。經一番挫折。長一番識見。容一番橫逆。增一番器度。護體面不如重廉恥。求醫藥不如講衛生。常思終天抱恨。自不得不盡孝心。常思度日艱難。自不得不節費用。富貴如薄舍。惟謹慎可得久居。貧

廈門述略

十二

賤如敝衣。能勤儉可以脫卸。

存養

無欲之謂聖。寡欲之謂賢。多欲之謂凡。狗欲之謂愚。人之心胸。多欲則窄。寡欲則寬。人之心境。多欲則忙。寡欲則閒。人之心術。多欲則險。寡欲則平。人之心事。多欲則憂。寡欲則樂。人之心氣。多欲則餒。寡欲則剛。世路風霜。吾人鍊心之境也。世情冷煖。吾人忍性之地也。世事顛倒。吾人自反之資也。（莫大之禍。皆起於須臾。不能忍。不可不謹。）青天白日。的節義。自暗室屋漏中培成。旋轉乾坤的經綸。自臨深履薄處得力。故顏淵四勿。要收入來。制外即以養中。孟子四端。要擴充去。推近可以暨遠。

攝生

好運動。好清潔。慎飲食。慎風寒。是從吾身上卻病法。寡嗜慾。少思慮。戒憂愁。戒嗔怒。是從吾心上卻病法。薄滋味。以養胃氣。省言語。以養神氣。多讀書。以養膽氣。順時令。以養元氣。道生於安靜。命生於和暢。天地不可一日無和氣。人心不可一日無喜神。衰後罪孽。都是盛時作的。老來多病。都是壯年招的。敗德之事非一。而好賭者。德最敗。傷生之事非一。而好色者。生必傷。木有根則榮。根壞則枯。魚有水則活。水涸則死。燈有膏則明。膏盡則滅。人有真精。保之則壽。戕之則殀。是乃萬物死生存亡自然之理也。

敦品

人以品爲重。若有一點卑污之心。便非頂天立地漢子。品以行爲主。若有一件愧怍之事。卽非泰山北斗品格。丈夫之高華。祇在於功名氣節。鄙夫之炫耀。但求諸服飾起居。君子之事上也。必忠以敬。其接下也。必謙以和。小人之事上也。必諂以媚。其待下也。必傲以忽。貧賤時。眼中不著富貴。他日得志。必不驕。富貴時。意中不忘貧賤。一旦退休。必不怨。貴人之前。莫言賤。彼將謂我求其薦。富人之前。莫言貧。彼將謂我求其憐。小人專望人恩。恩過輒忘。君子不輕受人恩。受則必報。使人有面前之譽。曷若使人無背後之毀乎。

處事

處難處之事。愈宜寬。處難處之人。愈宜厚。處至急之事。愈宜緩。處至大之事。愈宜平。處疑難之際。愈宜無意。緩事宜急。幹敏則有功。急事宜緩。辦忙則多錯。謀人事如已事。而後慮之也。審謀已事。如人事。而後見之也。明強不知。以爲知。此乃大愚。本無事而生事。是謂薄福。救己敗之事者。如馭臨崖之馬。休輕策一鞭。圖垂成之功者。如挽上灘之舟。莫少停一棹。天下無不可化之人。但恐誠心未至。天下無不可爲之事。只怕立志不堅。以真實肝膽待人。事雖未必成功。日後人必見我之肝膽。以詐僞心腸處事。人卽一時受惑。日後人必見我之心腸。

接物

遇事只一味。鎮定從容。雖紛若亂絲。終當就緒。待人無半毫矯僞。欺詐。縱狡如山鬼。亦自獻誠。人好剛。我以柔勝之。人用術。我以誠感之。人使氣。我以理屈之。愛人而人不愛。敬人而人不敬。君子必自反也。愛人而人卽愛。敬人而人則敬。君子益加謹也。居視其所親。富視其所與。達視其所舉。窮視其所不爲。貧視其所不取。視此五者。卽可以知人矣。人若近賢良。譬如紙一張。以紙包蘭麝。因香而得香。人若近邪友。譬如一枝柳。以柳貫魚鱉。因臭而得臭。攻人之惡。毋太嚴。要思其堪受。教人以善。毋過高。當使其可從。互鄉童子。則進之。開其善也。闕黨

童子則抑之。勉其學也。

居家

人一心先無欽持。焉能整理得一身正當。人一身先無規矩。焉能勸導得一家純良。勤儉治家之本。和順齊家之本。謹慎保家之本。詩書起家之本。孝弟傳家之本。天下無不是底父母。世間最難得者兄弟。以父母之心爲心。天下無不友之兄弟。以祖宗之心爲心。天下無不和之族人。以天地之心爲心。天下無不愛之民物。孝莫辭勞。轉眼便爲人父母。善毋望報。回頭但看爾兒孫。父母所欲爲者。我繼述之。父母所重念者。我親厚之。遇朋友遊之失。宜剴切。不宜游移。處家庭骨肉之變。宜委曲不

宜激烈。未有和氣萃焉。而家不吉昌者。未有戾氣結焉。而家不衰敗者。

從政

人身之所重者元氣。國家之所重者人才。大智興邦。不過集衆思。大愚誤國。只爲好自用。治道之要在知人。官德之要在體仁。事上之要在致敬。御下之要在推誠。理財之要在節制。除寇之要在安民。陷一無辜。與操刀殺人者何別。釋一大慙。與縱虎傷人者無殊。無功而食。鼠雀是已。肆害而食。虎狼是已。一切人爲惡。猶可言也。唯讀書人不可爲惡。讀書人爲惡。更無教化之人矣。一切人犯法。猶可言也。唯做官人不可犯法。做官人犯法。更

無禁治之人矣。在家者不知有官。自是守分。在官者不知有家。方能盡分。居官廉。人以為百姓受福。予以為錫福於子孫者不淺也。曾有約已裕民者。後代不昌大耶。居官濁。人以為百姓受害。予以為貽害於子孫者不淺也。曾見有瘠衆肥家者。歷代得久長耶。

惠吉

有工夫讀書。謂之福。有力量濟人。謂之福。無是非到耳。謂之福。無疾病纏身。謂之福。無苦境擾心。謂之福。作德日休。為善最樂。開卷有益。作善降祥。羣居守口。獨坐防心。知足常樂。能忍自安。善為至寶。一生用之不盡。心作良田。百世耕之有餘。世事讓三分。天空地闊。心田培一

點。子種孫收。非讀書不能入聖賢之域。非積善不能生聰慧之兒。造物所忌。曰刻。曰巧。萬類相感。以誠以忠。做人無成心。便帶福氣。做事有結果。亦是壽徵。貯水可以邀萍。築臺可以邀月。藏書可以邀友。積德可以邀天。知足常足。終身不辱。知止常止。終身不恥。事事培元氣。其人必壽。念念存本心。其後必昌。

悖凶

富貴家不肯從寬。必遭橫禍。聰明人不肯學厚。必死天年。倚勢欺人。勢盡而為人欺。恃財侮人。財散而受人侮。天下無窮大好事。皆由於輕利之一念。利一輕。則事事悉屬天理。為聖為賢從此進基也。天下無窮不肖事。皆